



ALEXANDRI  
JVLII EDINBVRGENI  
SCOTO-BRITANNI POEMATATA  
SACRA.

Quorum indicem sequens pagina continet



*Arch. Bodl.  
A. II. 79.*

EDINBVRGI,  
Excudebat THOMAS FINLASON. Typographus  
Regiæ M. 1614.



## Index poematum sacrorum.

Paraphrasis  
Poetica  
Prophetiæ

*Hobadiæ.*  
*Chabakkuki.*  
*Maleaci.*

4. 5. & 11. capitum  
*Prophetiæ Jeshabie.*

*Descriptio horrendi patricidij.*





# SERENISSIMO POTENTISSIMOQUE REGI

MAGNAE BRITANNIAE FRANCIAE &

Hiberniae JACOBO fidei Christianae defensori,  
domino suo benignissimo, gratia & pax  
sempiterna à Domino Iesu.



V M nemini de paterna DEI cura in Ecclesiam, & singulos vera fide praeditos recte sentienti dubium esse possit, Deum Opt. Max. perpetuam propugnationem suscepisse pro tua, Rex clementissime, unius potissimum salute, inde ab ipsis incunabulis tot tantisque periculis defuncti, de cujus conservatione cum bonorum omnium incolumitate conjuncta, pii omnes sollicitate laborant; cum pro publica etiam tot florentium regnorum pace, pro omnibus denique ornamentis tuis constet D E V M in jam suscepta defensione constanter permanere, contra nefandam Idumaeorum gentem, impios dico Jesuitanae conjurationis furores & socios, crudelitate plusquam ferina Hesavum genus suum Deo exosum referentes; Contraque Babylonium illum Nebuchadnezzarem regum pure pietatis studiosorum, & populi Dei, verique & Christiani nominis sempiternum hostem, quem Deus tandem in se contumeliosum spiritu oris sui

sui confectum fore minatur; Paraphrases has Prophetiarum  
Hobadiæ & Chabakkuki ab hoc argumento non alienas  
( productiores fortasse, sed tamen ipsius Scripturæ veritati  
congruentes ) obliuione pene sepultas cum in manus meas inci-  
dissent reuiscere volui, & in tuæ M. nomine in lucem profe-  
rendas censui, partim promissiones illas quidem amplissimas  
complectentes de salute Jacobi seu Israelis Deo chari, & pro  
pagandis ejus imperij finibus : partim sceleratos hostes minis  
gravissimis insectantes ; ut harum lectione diligenti, et sancta  
meditatione in spem firmam divinæ defensionis tam ab exter-  
na illa quam domestica impietate, & hostium inhumana vio-  
lencia, deinceps in perpetuum tecum p̄ omnes inducti, cum a-  
nimis suis serio & sedulo cogitent quantam tecum divinæ  
providentiæ gratiam debeant, in hoc exiguo & tam brevi vi-  
tæ curriculo tanta benignitate mirandum in modum pro salu-  
te tua Rex clementissime, tuorumq; omnium excubanti : ut  
Jacobus victoriam in optima spe habens proposito Jacobi seu  
Israelis exemplo ad imitandum, præclarum quod instituisti o-  
pus, & jam in manibus habes ( bellum illud dico sacrum cum  
impiis Idololatriæ susceptum cede atq; incendiis orbem terræ  
vastare cupientibus ) tantisper continuare velis, dum Deo  
authore & propitio ex incepto feliciter peracto voluptatem  
sempiternam percipias, & quam de te expectationem vatum  
oracula divino instinctu & afflatu jam olim edita concitarunt  
eam te mi Rex, sustinuisse feliciter eventum perspicue inter  
omnes constare possit. Atq; hoc unum cum summæ obseruan-  
tiæ testificatione, qua T. M. semper coluimus, nec aliud quic-  
quam

quam nos hîc secutos omnes non inique de nobis existimantes cum animis suis statutum habere volumus. Huc accessit etiam illa prophetiarum omnium clausula Maleaci prophetia acerbissimas contestationes paucis complexa, adversus gravissima quedam Israelitarum crimina, quæ in Rep. & Ecclesia bene constituta minime ferenda si grassentur, auctoritate utriusq; tabulæ custodis mature rescanda sunt, & ipsa sincera trahatur Cum mala per longas convaluere moras. Adjecimus præterea tria Jesaie Cap. cum paucis opusculis tanquam munusculis T. M. etiam concinnatis: Atq; hæc omnia judicio & industria minus elaborata, nec pro majestate Regia satis polite limata, tametsi sacrosanctis tanti tamq; benigni Regis, oculis & auribus minime digna videantur, in eam tamen partem accepta fore speramus, ut ab ingenuo pudore quasi anseris inter olores strepentis ab animo bene volo, ac mirifico tui mi Rex, tuorumq; istic desiderio flagranti profecta. Quam ego libenter diem illum videre cupio, cum mihi multo jucundissimo conspectu rerum mihi istic charissimarum per Dei voluntatem frui licebit. Pacato enim & simplici ingenio partes has non sine magnis difficultatibus tenendas esse multos jam annos nobis nimis compertum & exploratum est, coactis alio sub sole terras novas & peregrinas querere propter nonnullorum insolentiam & nostri insectationem; quos ego tamen tum divina gratia tum recte factorum conscientia fretus, vel amicos vel inimicos habere non curo: Multa quoq; hic perinvito degenti, & injurias jure non propulsanti mihi ipsi injurio toleranter ferenda sunt, quæ cum non sit hic narrandi lo-

cus suo tandem tempore, nisi consilio mature provideantur in  
medium proferentur. Valebis mi Rex serenissime, & viues  
memor diuina erga te benignitatis & clementie.


T. M. benevolentie maximo  
semper vinculo obstrictus


*A. Julius.*

Ad JACOBUM magnæ Britanniae, Franciae & Hiberniae  
Regem serenissimum, dominum suum clementissimum,

*Alexandri Iulij Epigramma.*

**D**ona salutatis tulit officiosa vetustas  
Regibus, obsequij ceu gratæ & pignora mentis;  
Hic tulit aurato sine quaestu sedula scepro  
Grammaticæ steriles tenui pro munere musas,  
Non animi sed opum pauperrima, sola tenellis  
Omne viro soli pueris, & congrua parvo  
Dans precio venumformandæ dogmata linguae:  
Attamen hæc Regis placido clementia vultu  
Non feret ut crasso levidensæ munera filo;  
Sint licet hic tenuis tantum donaria Musæ;  
Non tamen in tenui labor est; oracula vatum  
Cum capiant Regem cultu donata latino,  
Regem musarum comitatum & sacra colentem;  
Cui toties Clario vel numine digna locuto  
Et numeri vacuo curis, & carmina cordi;  
Quem mea, dum genio modo liberiore fruatur,  
Ingenij factu colet vberiore Thalia.









# PARAPHRASIS

## PROPHETIÆ HOBADIAE.



Abiter atherius tandem placatus a-  
mico

Lumine.res populi miseras respexit  
egenis

Gentis Idumæe memor,alta mente  
repostas

De folio fontum vitas, & crimina  
pendit.

Diditus hæc longe lateque per omnia rumor

Pertulit ad nostras eadem celeberrimus aures:

Insuper externæ longinqua per oppida gentis,

Nuncius alta ferens mundi mandata parentis,

Sic formidandam rumpebat pectore vocem:

Eia agite,horrendo queis bello est vivida virtus,

Surgite,& arma viri,tanti ductoris in hostem

Auspicio,ferre arma,doment quæ bella merentem.

2 Non satis in pœnas vnam sine nomine gentem,

Et numero exiguam mea dextera reddet Idumen

Iova ait,invisam,sancta nec origine dignam.

3 Pone supercilij fastum,componere feroces

Debine animos,male-cauta tuis falleris Idume

Consilij confisa malis,& in ipsa minante

Sidera prærupto montanę culmine molis:

Nam tua quas habitas,spes & munimina cautes,

Celsaque petrosi & turrita cacumina montis;  
Tuta nec infando sunt propugnacula bello,  
Nec facilem rumpi accessum prohibere valcunt;  
Ergone magnificis sic astra lacescere verbis  
Grandiloquæ toties audet petulantia linguæ?  
Quæ vis tanta loco tutos ab acumine rupis  
Aeris in præceps tanto molimine dextræ  
Vrgeat? aut summa ætutum deturbet ab arce?

4 Terrarum sator, & magni regnator Olympi  
Talibus ora modis in verba minantia solvit:  
Densa licet celsum caput inter nubila condas  
Templa Poli stellata petens, pernixque feraris  
Alitis armigeri magni de more Tonantis,  
Detur in ætheriis posuisse cubilia campis:  
Inde tamen stygii volveris ad ima barathri  
Numinis ira, alta terra & caliginemersa.

5 O quanta percussa occumbes strage? tremendæ  
Funera quanta dabunt iuvenumque senumque coronæ  
Hostiles? quantamque trahent quassata ruinam  
Mœcia? dum patriam populi populantur opimam  
Indomiti, haud furtim furum de more per umbras  
Prædam asportantum, aut vigilum de nocte latronum,  
Vinctive velut generosæ fertilis uvæ  
Prædator, nondum plenis vindemia labris  
Cum spumat: verum vilem redigeris ad assem  
Extemplo, ad puri radiantia lumina Phœbi,  
Prorsus & exhaustis squalebunt rura racemis.

6 Neve profunda hostem fallant penetralia rupis,  
Per vicina astris, adituque carentia laxa,  
Perque iter insuetum belli commercia rumpent  
Acria, & in latebras flectent vestigia cæcas:

Vndē

Vnde ferant secum congestæ scrinia gaze,

7 Nusquam tuta fides fuerit, socialia frangenti  
Vincula iurato iunctæ tibi foedere gentes:  
Dulcia dum patriæ exilio mutaris acerbo  
Arva tuæ, ex patriis abigent crudeliter oris:  
Quique prius placide pepigerunt foedera pacis,  
Foedera sanguineo mutabunt rupta duello:  
Quique simul lautæ tecum inter pocula mensæ  
Tum sale, tum socia exhilarant convivia voce,  
Consilii arcani testes, heu vulnera tota  
Tanta ferent terra, cheu tanta cæde piabunt:  
Arva tui Themanica soli, vt solertia mentis  
Humanæ, vt Divini acies stupefacta tuentis  
Ingenii, ipsa perstringatur mole malorum,  
Nec queat erumpendam in te comprehendere cladem.

8 Sic erit vt merita demerferit vna ruina  
Improvisa dies sapientum corda tuorum,  
Fractaque conciderit prudentia longa senectæ.

9 Hic animis præstans, præstantes corpore & armis,  
Robora selectæ passim prostrata iuventæ  
Occumbent, donec sylvæ succisa propago  
Sicrnat infelix, exorti vt stragis acerbæ  
Fungier haud vlli contingat munere vitæ,

10 Nec minus infami confundet labe ruboris  
Ora pudor, genus exitio sine fine superbum  
Cum datur, & clarum extinguunt oblivia nomen  
Gens æterna tuum, semenque a stirpe revulsum:  
Quod neque dirum animum cognati sanguinis arcta  
Vincula, nec pietas fera pectora mulserit, ipsos  
Quominus in fratres effusis grassatus habenis  
Sit furor, & madidos cognata cæde Penates:

Quominus hos illosque aditus, omnemque pererrans  
Arte locum, imbelles variisque assultibus vrgens  
Injicias dextram trepidis, spolioque, sub armis  
Cum procul a notis exercitus advena terris  
Sedibus ex patriis abigens confortia trudit  
Corpora, vt exilij patiantur tædia longi,  
Vinclaque captivas arcent servilia palmas.  
Si peregrina manus Solymæ limina portæ  
Perrumpens, occæpit ovans sibi ducere sortem  
Et prædæ, & populi, cuius ceu grata peculi est  
Cura mihi, tu horum pariter pars magna fuisti.

12 Damna dehinc oculis absiste haurire malignis,  
Fratris damna tui, neu lato lumina vultu  
Pasce malis, patria de pulso sede triumphans,  
Nulla hinc materies, nulla hinc tibi surgat origo  
Lætitia, tremulo neu torquens ora cachinno  
Vocibus illudas Iudæ petulanter amaris  
Pignora, si quando per gentes sparfa feroces  
Perditaque in tenebris luctu & squalore jacebunt.

14 Parce maligna sacra contingere limina sedis,  
Parce aditus Solymæ plantis scelerare profanis,  
Lumineque hostiles sicco spectare rapinas,  
Et capere & captas portarum e limine prædas  
Convectare humeris, & longo parta labore,  
Dum tibi coguatam violat genis extera gentem,  
Afficiatque humilem misere calcatque jacentem.

14 Non satis est urbem media de gente Sionis  
Exedisse odiis, cineres atque ossa preceptæ  
Insequerere, trahas populum pænamque per omnem  
Reliquias hostis tenues, nec dum ante malorum  
Deposito terrore, minæ jacentur acerbæ?

Hostibus

Hostibus hinc inde obsessas fuge prodere sevis.

15 Iam decursa aderunt pleno statuta tempora circolo  
De solio gentes in jus qua iure citabit  
Arbiter æternus meritis accensus in iras,  
Ut det ad exemplum vindex examine iusto  
Damna tuum, meritoque tibi commissa luenti  
Supplicio, cladem miseranda clade rependat,

16 Nam soboles Hebræa sacro cum in vertice mon-  
Spumantem, & gelido mistum cratera veneno (tis  
Vindice flagiti) summo libaverit ore:

Hinc pariter gentes mundi sub utroque iacentes  
Axe bibent, hinc purpureo exhaustoque falerno,  
Perniciem sine fine trahent de fæce veneni.

17 Interea secura colet gens alta Sionis  
Moenia, gens asserta mihi de limine lethi,  
Iugeraque antiquis veterum descripta parentum  
Fimibus, & veteres hæredia priva coloni  
Accepta Isacidæ longa ditione tenebunt.

18 Et veluti stipulam torrentis pabula flammæ  
Corripit ignis edax, pariterque incendia vires  
Non prius indomitas ponunt, alimenta levem quam  
In cinerem, volucremque fluant circumdata fumum:  
Sic Iacobæ stirpis generosa propago  
Sæviet immixtis tanquam Vulcanus habenis,  
Hæc avi ambustura feram cum semine prolem:  
Sic quoque Iosephi candens ut pruna nepotes  
Gente in Idumæa rapient ceu fomite flammam  
Dum silva accenso iam tota cremetur ab ignis  
Nam Deus hisce minis exasperat ora severis.

19 Tum domus Isacidum veteris confinia regni  
Iure sui regni magna ditione tenebit

Quæque præmis ereptæ nebulosi sibilus Austri,  
Quorum sceptra cenes palmarum dives Idume,  
Quæque Palestinæ claudunt confinia terras:  
Arva Palestinæ gentis, camposque virentes  
Imperio reget, Ephraïmi, Schomronis & arvis  
Iura dabit latis, capiet cum Gilladæ læta  
Prædia Binjaminis tranquilla in pace colenda.  
20 Numinis auspicio ut patrias remearit ad oras,  
Ut generis fuerit lapsi reparata ruina:  
Sarpkata Sidoni facundæ murice & ostro  
Cognata, Arctoi spectat quæ sidera coeli  
Imperia abscindet, Cananæ hæc subdita sceptro  
Olim, & Iuda domum externis revocatus ab oris,  
Finibus antiquæ iunctas dirionis habebit  
Contiguas etiam terras confinibus Austri.  
21 Quinque potens armis, ingenti & nomine nume  
Reliquias populi immanis miserabitur, omni  
Vi procul & tutas hominum de gente feroci  
Asseret, & patris furias compescet Idumes,  
Sceptra æterna sui, & sumet moderamina regni.

**FINIS.**



